

# **ALDI BATERAKO GIZARTE LAGUNTZAILE BAT KONTRATATU ETA LAN-POLTSA OSATZEKO LEHIAKETA-OPOSIZIOA ARAUTUKO DUTEN OINARRIAK. PRESAZKO DEIALDIA.**

## **1.- DEIALDIAREN XEDEA**

Aldi baterako gizarte laguntzailea kontratatzea da deialdiaren xedea.

Halaber, Gizarte Zerbitzuetan eman daitezkeen kontratazio premietan gizarte laguntzaileak ordezkatzeko lan-poltsa osatzea da deialdiaren xedea.

Lanpostua B sailkapen taldekoa da 12 mailari dagokion soldataduna eta 4. hizkuntz eskakizuna, derrigorrezkoa, du.

Kontratuaren iraupena kontratua egiten zaionetik 2009ko abuztuaren 15etik abenduaren 31a artekoa izango da.

## **2.- LAN-BALDINTZAK**

Astelehenetik larunbatera eta lansaio jarraitu edo zatituarekin (zerbitzuaren premien arabera) egingo du lan.

## **3.- BALDINTZAK**

- a) 16 urte beteta izatea.
- b) Gizarte Lanean diplomatua izatea.
- c) Europar Batasuneko kide diren estatuetakoko baten herritartasuna izatea, edo, Europar Batasunak egindako eta Espainiako Estatuak berretsitako Nazioarteko Itunei jarraiki, langileen zirkulazio askea aplikatzen zaion estaturen bateko herritarra izatea.

Parte hartu ahal izango dute, era berean, Europar Batasuneko kide diren estatuetakoko herritarren ezkontideak, beti ere zuzenbideko banaketarik gabekoak badira; halaber, bere ondorengoak eta bere ezkontidearenak, baldin eta zuzenbideko banaketarik gabekoak badira, eta ondorengo horiek hogeita bat (21) urte baino gutxiagokoak badira, edo adin horretatik gorakoak, baina bere pentzuan bizi direnak.

Era berean, parte hartu ahal izango dute Espainiako estatuan bizi eta aurreko paragrafoetan sartu gabe dauden atzerritarrek. Hauek aukeratuak izango balira, kontratuaren objektu den jarduera burutzeko administrazioaren baimena dutela frogatu beharko dute, aipatutako kontratua egin baino lehen.

- d) Diziplinazko espedientearen bidez inongo Administrazio Publikoren Zerbitzutik baztertua ez izatea, eta funtzio publikoak betetzeko ezgaiturik ez gotea.
- e) Lanpostuen eginkizunak normaltasunez betetzea galaraziko dion gaixotasunik nahiz muga fisiko edo psikikorik ez izatea.
- f) Bateriaezintasunik edo ezgaitasun legalik ez izatea, Herri Administrazioaren Zerbitzuan dagoen personalaren bateraezintasuna arautzen duen abenduaren 26ko 53/1984 Legean xedatutakoaren arabera. Dena den, kargu publiko edo jarduera pribatu bateraezina burutzen ari direnek aukeratzeko eskubidea erabili ahal izango dute, aipatutako legearekin bat etorritik.
- g) 4. hizkuntz eskakizunari dagokion euskara maila, derrigorrezkoa.

Oinarri honetan zerrendatutako baldintzak, eskabideak aurkezteko epea bukatzen den egunean bete beharko dira eta kontratua sinatu bitartean mantendu. g) azpiatalean ezartzen den baldintza bere unean egiaztatu beharko da.

## **4.- INSTANTZIAK**

Izangaiek 3. oinarrian jasotako baldintza guztiak betetzen dituztela adierazi beharko dute lehiaketa-oposizioan parte hartzeko aurkezten den eskabidean.

Instantzia horiek Alkate-Udalburuari zuzenduko zaizkio eta Udaletxeko Erregistro Orokorrean aurkeztuko dira, **2009ko ekainaren 22a arteko epean**.

Lehiaketa-oposizioan parte hartzeko eskabideak ondoko baldintza hauek bete beharko ditu atzera bota ez daitezten:

a) Hirugarren oinarrian eskatutako baldintza bakoitza eta guztiak betetzen dituztela adierazi beharko dute izangaiek, beti ere eskabideak aurkezteko epea amaitzen den egunari dagozkiola.

b) Eskabidearekin batera, ondoko agiriok erantsiko dituzte (fotokopiak konpultsatuak izango dira):

— Nortasun-agiriaren fotokopia.

— Deialdian parte hartzeko eskatutako tituluaren fotokopia.

— Eskabidean adierazitako merezimenduak egiaztatzeko zinpeko aitortpena aurkeztu beharko da eta behean adierazitako agiriak aurkeztu beharko dira kontratatua izateko.

**Laneko esperientzia** egiaztatu beharko da lan egindako enpresek edo administrazioek egindako ziurtagirien bidez, bertan kontratuaren iraupena eta lanaren eginkizunak zehaztuz. Esparru pribatuko esperientzia egiaztatzeko, gainera, Gizarte Segurantzari kotizatu izanaren ziurtagiriak aurkeztu behar dira.

Eskabidean Bergarako Udalean egindako zerbitzuak eta laneko esperientzia adierazi baditu, ez da agiri bidez egiaztatu beharrik izango, eta izangai bakoitzaren espedientean azaltzen diren datuen arabera baloratuko dira.

## **5.- IZANGAIEN ONARPENA**

Deialdian parte hartzeko eskaera aurkezten dutenak onartuak direla ulertuko da, eskaera bera epe barruan aurkeztu dutela frogatzen badute oposizioaldiko lehen proba egingo den egunerako; horretarako Udaletxeko Erregistro Orokorreko zigilua duen eskaeraren kopia aurkeztu beharko dute.

Lehenengo froga **uztailaren 2an goizeko 9:00etan egingo da, izangaia Udaletxe aurrean aurkeztu beharko direlarik.**

## **6.- EPAIMAHAI KALIFIKATZAILEA**

6.1. Epaimahai Kalifikatzailea honako hauek osatuko dute:

Lehendakaria: Xabier Legorburu Igarza, Gizarte Laguntzailea

Bokalak: Miren Amor Ondarra, Gizarte Laguntzailea edo bera ordezkatzeko duena.

Kontxi Ugalde Izeta, Udaleko idazkaria.

Joseba Ezpeleta Irizar, Enpresa Komiteak izendatutako kidea

Idazkaria: Kontxi Ugalde Izeta, Udaleko idazkaria.

Udalean presentzia duten alderdi politikoek ordezkariak parte har dezakete begirale moduan.

## **7.- HAUTAKETA PROZEDURA**

Izangaiek hautatzeko prozedurak hurrengo aldiak izango ditu:

a) Oposizioaldia

b) Lehiaketaldia

Ariketa bakoitzerako deialdi bakarra egingo da.

Epaimahaiak ariketak egiteko deialdian jarritako egunean, lekuan eta orduan agertzen ez diren izangaiek –baita ezinbesteko arrazoiengatik bada ere–, hauta-prozesutik kanpo geratuko dira erabat.

## **OPOSIZIOALDIA:**

Ondoren aipatzen diren ariketez osatuko da:

- **Lehen ariketa**: Derrigorrezkoa eta baztertzailea.

Epaimahaiak I Eranskinean jasotako gaiekin eta Udaletako gizarte laguntzailearen zereginekin zerikusia izanik proposatutako balderei erantzutean datzana, nahiz eta epigrafe jakin bati egokituta ez egon. Izaera teorikoa zein praktikoa izan ahal du, Epaimahaiak erabakiko duelarik.

Gehienez ere 20 puntuz baloratuko da, hurrengo probara pasatzeko, gutxienez, 10 puntu lortu beharko direlarik.

- **Bigarren ariketa**: Derrigorrezkoa eta baztertzailea.

Euskarako proba. Izangaien euskara maila neurtzeko ahozko eta idatzizko proba egingo da. Derrigorrezko 4. hizkuntza eskakizunari dagokion euskara maila dutela egiaztatu beharko dute. Ez da punturik emango eta izangaiak gai edo ezgai sailkatuko dira. Proba hau gainditzen ez dutenak hautaketa bidetik baztertuta geldituko dira.

Proba honek barne eraginak izango ditu eta Bergarako Udalak ez du inongo ziurtagiririk luzatuko.

Ez dute proba hau egin beharrik izango ziurtatzen dutenek 4. hizkuntza eskakizunarekin parekatutako agiriren baten jabe direla, beti ere, euskararen ezagutza egiaztatzen duten titulu eta ziurtagirien arteko baliokidetzak finkatu eta Hizkuntzen Europako Erreferentzi Marko Bateria egokitzeko apirilaren 8ko 64/2008 Dekretuak jasotakoaren arabera.

Egiaztapen hau proba hasi baino lehen aurkeztu beharko da.

## **LEHIAKETALDIA**

Baloratuko diren merezimenduak ondoko hauek izango dira: Administrazio Publikoan, Gizarte Zerbitzuetan teknikari lanetan zerbitzuak eman izana, gehienez 5,5 punturekin baloratuko da, 0,20 puntu hilabete osoko epealdiko.

## **8.- ONARTUEN ZERRENDA ETA KONTRATATZEKO PROZEDURA**

Proba baztertzaileak gainditu dituzten izangaien azken kalifikazioa oposizio-aldiko eta lehiaketa-aldiko puntuak batuta aterako da eta kalifikazio horrek behin-betiko puntuazio hurrenkera erabakiko du.

Epaimahaiak, merezimenduak baloratu eta ariketak kalifikatu ondoren, kontratatzeko proposatzen duen izangaiaren izena argitaratuko du. Era berean, hautaketa-prozedura gainditu duen izangai bakoitzaren behin-betiko puntuazioa argitaratuko du.

Izangaiek behin-betiko emaitzak argitaratu ondoren, 10 eguneko epea izango dute Epaimahaiaren aurrean erreklamazioak egiteko. Epe hori bukatu eta gero, Epaimahaiak puntu gehien lortu duen izangaiaren behin-betiko kontratazio-proposamena egingo dio Alkatetzari eta gainditu duten gainerako izangaiek puntuazioaren arabera lan-poltsa bat osatuko dute.

Izangaietako inork ariketa baztertzaileak gaindituko ez balitu, Epaimahaiak plaza hutsik laga dezake.

## **9.- LAN-POLTSA**

Plaza ez eskuratu baina oposizioa gainditzen duten hautagaiekin Gizarte laguntzaileen lan-poltsa osatu ahal izango da, beti ere epaimahaiaren proposamena horren aldekoa balitz, egindako azterketen mailaren arabera.

Lan-poltsaren funtzionamendua izango da Udalak 2006ko apirilaren 4an, Alkatearen dekretu bidez, onartua duen lan-poltsen erabilerarako barne araudiak jasotzen duena.

## **10.- PROZESUAREN ARGITALPENAK**

Prozesu honetan argitaratu beharrekoak (oposizioaldiko emaitzak, lehiaketaldiaren emaitzak...) Udaleko iragarki taulan eta Bergarako Udaleko webgunean ere argitaratuko dira ([www.bergara.net](http://www.bergara.net)).

Datu Pertsonalen Babeserako araudiari jarraituz, edozein izangai edo parte hartzailek izango du bere datuak eskuratu, zuzendu edo ezabatzeko eskubidea. Horretarako, eskaera aurkeztu beharko du helbide honetara bidalitako idatziaren bitartez: Bergarako Udala, San Martin de Agirre plaza 1, 20570 Bergara.

## **11.- GORABEHERAK**

Epaimahaiak baimena du aurkezten diren zalantzak argitzeko eta Lehiaketa-Oposizioa ondo joan dadin beharrezko erabakiak hartzeko oinarri hauetan aurreikusten ez den guztian.

Ariketetan lortutako maila plaza egoki betetzeko beharko litzatekeena ez dela iritziko balitz, deialdia bete gabe deklaratu liteke.

## **12.- INPUGNAZIOA**

Oinarri hauek interesatuek inpugnatu egin ditzakete indarrean dagoen Administrazio Publikoen Erregimen Juridiko eta Prozedura Administrazio Bateratuaren Legean aurreikusitako moduan eta epeetan.

### I. ERANSKINA

- Mendekotasun egoeran dauden pertsonen autonomia pertsonala eta laguntza sustatzeko abenduaren 14ko 39/2006 Legea.
- 133/2007 azaroaren 20ko Dekretua, Gipuzkoako Lurralde historikoan mendekotasun egoeran dauden pertsonen autonomia pertsonala eta laguntza sustatzeko abenduaren 14ko 39/2006 Legearen prestazio ekonomikoak arautzekoa.
- Maiatzaren 12ko 12/1998 Legea Gizarte Bazterkeriaren aurkakoa
- 10/2000 LEGEA, abenduaren 27koa, Gizarte Eskubideen agiriarena.
- 8/2008 LEGEA, ekainaren 25koa, Gizarte Bazterkeriaren aurkako Legea eta Gizarte Eskubideen Agiriaren Legea aldatzekoa.
- Abenduaren 23ko 18/2008 Legea Gizarteratzeko eta Diru Sarrerak bermatzeko.
- 1/2000 DEKRETUA, urtarrilaren 11ko, Gizarteratzeko Hitzarmenak arautzeko dena.
- Hirugarren adinarentzako gizarte baliabideak.

**ESKABIDEA**

**Lanpostua / Plaza:** ALDI BATERAKO GIZARTE LAGUNTZAILEA ETA LAN-POLTSA OSATZEA / Asistente/a Social temporal y creación de bolsa de trabajo.

**Frogetan erabili nahi duen hizkuntza:** Lengua en que desea realizar las pruebas

**Euskera**  
Euskera

**Gaztelera**  
Castellano

**DATU PERTSONALAK / DATOS PERSONALES**

Izen abizenak <i>Nombre y apellidos:</i>					
NA zkia: <i>DNI nº</i>		Jaioteguna: <i>Fecha de nacimiento</i>		Telefonoa	
Helbidea: <i>Domicilio</i>					
Herria: <i>Localidad</i>		Posta kodea: <i>Doc. postal</i>			

**IKASKETAK / FORMACIÓN**


**LANEKO ESPERIENTZIA / EXPERIENCIA LABORAL**

Enpresaren izena <i>Nombre de la empresa</i>	Kontratuaren iraupena <i>Duración del contrato</i>	Betetako lanpostua <i>Puesto de trabajo ocupado</i>

**BESTELAKO MERITUAK / OTROS MÉRITOS**

**Ikastaroak, mintegiak, diplomak...** / Cursos, seminarios, diplomas...


Eskatzaileak deialdiaren oinarrietan azaldutako eskakizun guztiak betetzen dituela adierazten du eta, hortaz, onartua izatea eskatzen du.

Era berean adierazten du Bergarako Udala

**BAIMENTZEN DUELA**  **EZ DUELA**  
**BAIMENTZEN** bere datu pertsonalak beste Herri Administrazio batzuei emateko, beti ere eskaera honen bidez eskuratu nahi duen lanpostuaren antzekoetan sor dakizkiekeen aldi baterako langile-beharrei erantzuteko.

El solicitante declara cumplir todas las condiciones exigidas en las bases y, en consecuencia, solicita ser admitido.

Igualmente declara que

**SÍ**  **NO AUTORIZA** al Ayuntamiento de Bergara para que facilite sus datos personales a otras Administraciones públicas que así lo soliciten, siempre que sea al objeto de cubrir necesidades de personal no permanente en puestos similares al que opta mediante esta instancia.

#### SINADURA / FIRMA

**OHARRA:** Eskaera horri honetako datu pertsonalak dagokionaren onespenerekin jasotzen dira eta Bergarako Udalak behar bezala baimendutako fitxeroetan sartuko ditu. Datu horiek bakarrik udal kudeaketarako erabiliko dira, baina beste administrazio publikoei edo hirugarrenei laga edo jakinarazi ahal izango zaizkie abenduaren 13ko 15 / 1999 Lege Organikoan, Datu Pertsonalen Babesari buruzkoan, aurreikusitako kasuetan.

Interesdunek datuak eskuratzeko, ezeztatzeko, zuzentzeko eta aurka egiteko eskubidea erabili ahal izango dute ondorengo helbidera zuzenduta: Bergarako Udala.-San Martin Agirre plaza, 1.-20.570 Bergara.

Administraciones Públicas o terceros en los supuestos previstos en la Ley Orgánica 15/1999, de 13 de diciembre de Protección de Datos de Carácter Personal.

Las personas interesadas podrán ejercer los derechos de acceso, cancelación, rectificación y oposición dirigiéndose a: Bergarako Udala.- San Martin Agirre plaza, 1.-20.570 Bergara

**NOTA:** Los datos personales contenidos en la presente solicitud son recogidos bajo el consentimiento de la persona afectada y serán incorporados a los diferentes ficheros debidamente autorizados titularidad del Ayuntamiento de Bergara. El uso de dichos datos se restringirá exclusivamente a la gestión municipal, pudiendo procederse a su cesión o comunicación a otras

